



Bank of Botswana

29 Phatwe 2025

KITSISO YA SECHABA

KGOLO YA BORUKUTLHI JO BO AMANG TSA MADI MO MARANYANENG

Banka ya Botswana e tlhagisa Sechaba ka itemogelo ya dipalo tse di yang magoletsa tsa borukutlhi jwa madi go dirisiwa maranyane. Borukutlhi jo bo atile thata mo bagoding, banana le batho ba ba tlogetseng tiro ka bogodi, le ba itsholelo e e fa godingwana.

Ka ngwaga wa 2024 ba sepodisi sa Botswana, ba ne ba amogela dipego di le lekgolo le masome a supa le botlhano (175 cases), tsa madi a selekanyo sa didikadike di le borababobedi le dikete tse di lesome le borataro jwa dipula (P8.16 million), e le ditatlhegelo. Mo sephatlong sa ngwaga wa 2025, ba sepodise ba supile fa ba setse ba amogetse dipego di le masome a mararo le bobedi (32 cases) tse ditatlhegelo tsa tsone di lekanang le didikadike tse pedi le dikete tse masome a mabedi le borataro tsa di Pula (P2. 26 million).

Dipatlisiso di supa fa bontsi jwa borukutlhi jo, bo dirwa ke manweenwee a batlang badirisi kana bajibareki ba ba bolelela sephiri sa bone sa banka kana mabolokelo a maranyane e se ka fa molaong. Sechaba se itsisiwe fa se tshwanetse go nna podi matseba fa ba dirisa mafaratlhatlha a tsa dituelo tsa maranyane a bone, le fa ba amogela megala e go supafalang e kare e tswa kwa bodireding jwa dibanka kana mabentlele gotwe ba fentse dikgaisanyo, ebile ba tla amogela dimpho. Sechaba se itsisiwe gape fa bafenyi ba phadisanyo epe, ba ka se lopiwe madi gore ba amogele dimpho. Go ntse go le foo,

Sechaba se itsisiwe go nna kelotlhoko ka ba sa tshwanela go bolelela ope diphiri tsa bone tsa mabolokelo a madi ba sa ba itse kgotsa ba sa ba bone.

Go nna teng ga maranyane, dibanka, megala go tlhofofaditse dituelano le go fokotsa ditlhwatlhwa tsa go abelana madi, le go tokafatsa itshireletso mo go tsa kabelano madi, mme go na le matshwenyego a bodiphatso jwa go re a dirisiwe go tsietsa Sechaba. Sekai, mafaratlhatlha a tiriso ya madi a lemosoga motlhofo mo mogaleng wa lotheka, le dibalamakgolo, se se tlhofofaletse dirukutlhi go dirisa maranyane go tsietsa Sechaba.

Sechaba se kopiwa go itsise ba sepodise fa ba belaela borukutlhi jo, le gone go iphapha mo go neelaneng madi kgotsa diphiri tsa bone tsa dibanka le batho ba ba sa ba itseng. Ba sepodisi ba ka tshwarwa ko nomorong ya 999.

Go itse go feta fa, o ka ikgolaganya le Banka ya Botswana, ka go leletsa , Dr. Seamogano Mosanako. Head of Communications and Information Services, at mosanakos@bob.bw or telephone at +267 360 6083 or 360 6382 or +267 360 6315 or www.bankofbotswana.bw